

**Дилишода Суннатиллаевна Ходжимуратова**  
**Шарқ мамлакатлари тарихи ва антропологияси кафедраси,**  
**ТДШУ стажёр-тадқиқотчиси**

**ХХ АСР ЖАНУБИ-ҒАРБИЙ ОСИЁ ДАВЛАТЛАРИ ТАЪЛИМ  
ИСЛОХОТЛАРИНИНГ ТАРИХИЙ, ҚИЁСИЙ ТАҲЛИЛИ (ТУРКИЯ ВА  
ЭРОН МИСОЛИДА)**

**Аннотация:** Ушбу мақолада муаллиф асосан икки давр: 1920-30 йиллар ва 1960-70 йиллар солиштирилиб, Туркия ва Эрон давлатларининг таълим тизими, унинг тарихий ривожланиш босқичлари ва ўзига хос жиҳатларини турли манбалар таҳлили асосида қиёсий солиштирув асосида очиб беришга ҳаракат қилган. Муаллиф асосан хорижий манбалардан фойдаланган ҳолда Туркия ва Эрон давлатлари таълим тизимида XX асрда амалга оширилган ислоҳот ва модернизация ишларини ҳаққоний тарзда таҳлил қилишга ҳаракат қилди.

**Калит сўзлар:** Эрон ислом республикаси, Туркия, Пахлавийлар, Мустафо Камол Отатурк, “Оқ инқилоб”, исломлаштириш, модернизация, европача таълим ислоҳотлари.

**Аннотация:** В данной статье автор сравнивает два периода: 1920–30 и 1960–70 на основе анализа ряда источников попытался раскрыть систему образования Турции и Ирана, ее исторические этапы развития и особенности на основе сравнительного анализа различных источников. Автор попытался объективно проанализировать реформы и модернизацию системы образования Турции и Ирана в XX веке, в основном используя зарубежные источники.

**Ключевые слова:** Исламская Республика Иран, Турция, династия Пахлеви, Мустафа Кемаль Ататюрк, “Белая революция”, исламизация, модернизация, европейские реформы образования.

**Resume:** In this article, the author, compared two periods: 1920–30 and 1960–70 based on an analysis of a number of sources, tried to reveal the education system of Turkey and Iran, its historical stages of development and features based on a comparative analysis of various sources. The author tried to objectively analyze the reforms and modernization of the education system in Turkey and Iran in the twentieth century, mainly using foreign sources.

**Keywords:** Islamic Republic of Iran, Pahlavi dynasty, Turkey, Mustafa Kemal Ataturk, “White revolution”, Islamization, modernization, European education reforms.

Бугунги кундаги жадал глобаллашув ва интеграциялашув жараёнида таълим тизимининг ўрни бекиёсdir. Ҳар бир мамлакат ўз халқи учун энг замонавий ва дунё таълим стандартларига тўлиқ жавоб берадиган таълим тизимини яратишга интилади. Чунки, айнан таълим тизими давлатнинг келажакдаги тараққиёти пойдевори ҳисобланади. Бугунги кунда инсон интеллекти ва қобилияти энг қиммат, ҳаридоргир, талаб юқори бўлган маҳсулотлардан бирига айланди. Шу сабабдан, ҳар бир ривожланаётган давлат ўз таълим тизимини ислоҳ қилишга, унинг ривожланиб боришига эътибор кўрсатишга, етакчи кадрларни тайёрлаш ва жалб қилишга, технологик ва инновацион марказлар ташкил қилишга интилмоқда. Шубҳасиз, барча замонавий ривожланиш босқичлари асосида – тарихий ислоҳотлар ётади. Айнан замонавий таълим жараёнига ўтишнинг илк одимлари ҳар бир давлатнинг кейинги ҳаётида муҳим ўрин тутган. Бу тарихий жараёнларни атрофлича ўрганиш, бугунги кундаги натижалар ва қўшни давлатлар таълим тизимлари билан солишириш, тарихдаги қандай ислоҳотлар яхши самара берган, қай бири эса натижасиз бўлганини таҳлил қилишга имкон беради. Бу эса келажакда тўғри тараққиёт йўналишини аниқлашда долзарб ҳисобланади.

Ушбу мақолада Туркия ва Эрон давлатларининг XX асрда замонавий таълим тизимига қай тариқа ўта бошлагани, ушбу ўтиш жараёни қандай омиллар ҳисобига амалга оширилгани, қай бир қарорлар таълим тизимини ривожига ижобий, қайсилари эса салбий таъсир кўрсатгани қиёсий-таҳлилий тарзда очиб берилади. Мақолада хронология, тарихийлик ва қиёсий таққослаш усусларидан фойдаланилди.

**XX асрдаги сиёсий вазият.** Усмонли турк империяси бу даврга сиёсий ва иқтисодий қарам давлат сифатида кириб келди. Мамлакат ички ва ташқи томондан емирилиш жараёнини бошидан кечираётган эди. Давлатнинг катта худудларини Фарбий Европа давлатлари эгаллаб олиши, қатта қарз бериш эвазига иқтисодий жихатдан ҳам тўла қарамликка тушиши, мустамлака худудларида усмонлиларга қарши озодлик курашларини авж олиши, давлат ички ҳаётида ҳам бошланган аянчли ижтимоий вазият мамлакатда янги сиёсий кучларни пайдо бўлишига қулай шароитни вужудга келтирди. Бу вазиятдан ёштурклар унумли фойдаланишди. Улар 1889 йилда “Усмонийлар бирлик ташкилоти”ни тузишли ва ушбу ташкилот мамлакатни модернизация ишини бошлаб берди. 1908 йилги қуролли тўқнашувлардан сўнг бу партия вакиллари ҳокимият тепасига келди ва ҳукмрон кучга айланди. 1913 йилдан уни Анварпошшо, Талъат-пошшо ва Жамол-пошшо, яъни “Учлик” гуруҳи бошқара бошлади. Аммо 1918 йилда бу партия сиёсий нўнокълик баҳонасида тарқатиб юборилди. Уларни фаолиятида “пантуркча” қарашлар кучли бўлишига қарамай, жамиятни модернизация қилишга илк ҳаракатларни кузатиш мумкин.

Эроннинг ҳам бу даврдаги сиёсий ва ижтимоий аҳволи Усмонли турклар давлатидан яхшироқ эмас эди. XX аср бошларида Англия ва Россия империяси Эронни иқтисодий ва сиёсий қарамлиқда тутиб турарди. Мамлакат иқтисодиёти жуда секин ривожланар, ўрта асрлардаги феодал тартиблар ҳали ҳам амал қилас, меҳнаткаш аҳоли эса ночор аҳволда эди. Натижада ҳалқ ўзгаришларни талаб қилиб 1905-1907 йилларда қуролли қаршилик бошлади. Шоҳ Музаффариддин бир қанча ўзгаришлар, хусусан, Конституцияга ўзгартиришлар киритишга мажбур бўлди. Шунга қарамай Эрон Россия ва Англиянинг қарам худудига айланиб қолаверди, 1907 йилги рус-инглиз битими эса бу ҳолатни янада мустаҳкамлади. Эрондаги ҳақиқий ўзгаришлар фақатгина Пахлавийлар сулоласининг ҳокимятни қўлга олишидан сўнг бошланди.

XX асрнинг 20 йилларидағи Туркия ва Эрондаги сиёсий вазият иккала давлатнинг ҳам катта ўзгаришларга тайёрлиги, ижтимоий вазиятнинг етилганлиги, ўзгаришларни амалга оширадиган сиёсий кучларни шаклланганлиги кўрсатиб беради. Бу икки давлатнинг ўҳшаш томонлари сифатида ислом динига эътиқод, Ғарбий Европа давлатларига сиёсий ва иқтисодий қарамлик, мамлакатнинг ички ижтимоий аҳволи нотинчлигини кўрсатиб ўтиш мумкин. Бир-биридан фарқли томонлари эса, Туркия европача маданиятни истаса Эрон модернизацияни ҳохлаши, Туркияда ислоҳотлар инқилоб ва султон ҳукумати ағдарилгандан сўнг бошлаган бўлса, Эронда шоҳнинг ўзи томонида илгари сурилгани ва бошқа жиҳатларни кўрсатиб ўтиш мумкин.

**Ислоҳотларнинг бошланиши.** Замонавий Туркия давлати пайдо бўлиши ва ҳозирги кўринишга келишида шубҳасиз Мустафо Камол Отатуркнинг ўрни беъкиёсdir. Биринчи жаҳон урушидаги мағлубиятдан сўнг Туркия катта худудларидан айрилди ва бутунлай таназзулга юз тутиш арафасига келиб қолди. Айнан Мустафо Камолнинг турли соҳадаги ислоҳотлари, қатъий бошқаруви мамлакатни бутунлай қарам давлатга айланиб қолишдан асрар қолди. Унинг ислоҳотлари самарасини – аҳолининг аввалги элитага бўлган ишончининг сўниши, армиянинг тўлиқ қўллаб-қувватлаши, янгича ислоҳотлар режалари белгилаб берди.

Туркияда ислоҳотлар бошланган давр сифатида 1922 йилни кўрсатиб ўтиш мумкин. Бу даврда мамлакат аҳолисидан эркаклар орасида 10%, аёллардан эса фақатгина 1% қисми саводга эга эди. Ҳар тўрт аҳолининг учтаси ўрта асрлар шароитидаги қишлоқда истиқомат қилас, эди. Шу сабабли ислоҳотларнинг асосини таълим тизимидағи модернизация ташкил этди. 1924 йилда таълим тизимиға оид учта асосий қонун қилинди:

1. Диний таълим вазирлиги ва шариат судлари тугатилди.

2. Мамлакатдаги барча мадрасалар Таълим вазирлигига бўйсундирилди; Халифат бошқаруви тугатилди ва усмонийлар хукмдорлари оиласи мамлакат худудидан чиқариб юборилди.

3. Таълим билан боғлиқ барча молиявий ишларнинг бошқаруви Таълим вазирлигига берилди.

1924 йилда бўлиб ўтган ўқитувчиларнинг мажлисида Мустафо Камол уларга қарата “Ўқитувчилар! Сизлар давлатнинг янги вакиллари тарбиячисисизлар. Республика жисмонан ва руҳан кучли, ақлли ҳимоячиларга муҳтождир”<sup>1</sup> – деган мурожаат билан чиқди. Ушбу мурожаатдан ҳам таълим тизимиға эътибор қай даражада юқори бўлганлигини кўриш мумкин.

1925 йилда барча дарвешхоналар ва диний-фалсафий масканлар тўлиқ ёпилди ҳамда ўрнига дунёвий таълим тизими ўрнатилди. Икки йил ичида барча даражалардаги мактаб таълими бепул кўринишга келтирилди. 1928 йилдан эса ўқув жараёнига лотин алифбоси кириб келди. Барча ўқувчилар ва ўқитувчилар ёппасига лотин алифбосига ўқитила бошланди. Муқаддас Ислом китоблари ҳам лотин алифбосидаги турк тилида ўқитила бошланди. Конституциядан ҳам “давлат дини – Ислом” деб белгиланган қатъий моддани олиб ташланди. Отатуркнинг мақсади нафақат диний ва дунёвий ишларни алоҳидалаш, балки исломни ҳам ислоҳ қилиш эди.<sup>2</sup>

1927 йилда Отатуркнинг буйруғига кўра “Диний ишлар бўйича давлат қўмитаси” ташкил этилиб, унга дин тарихчиси Мехмет Кепрулу раҳбар этиб белгиланди. Бу ташкилотнинг асосий мақсади – ислом динини европалаштириш ва Отатуркнинг ислоҳотларини қўллаб-қувватловчи механизмга айлантириш эди. Ташкилот бошчилигига Куръони Карим турк тилига таржима қилинди ва бутун мамлакат бўйлаб тарқатилди. Отатуркнинг дин ислоҳотининг ўзига хос томони шундан иборат эдики – диндаги ислоҳотлар исломни йўқ қилишга эмас, балки уни замонавийлаштиришга қаратилган эди.<sup>3</sup> Айнан ушбу жиҳат Туркиянинг дин ислоҳотини Эрон ислоҳотидан фарқли томони ҳисобланади.

Отатурк ва унинг ислоҳотчилик ҳаракатлари мамлакатни Европача ривожланиш тизимиға ўтказишга ҳаракат қиласарди. Аммо Отатурк бир жиҳатни ҳисобга олишда эътиборсизлик қилди. Исломни давлатдан ажратган ва ислоҳотларга асосий тўсиқ деб ҳисоблаган вақтда, бу дин мамлакат аҳолиси орасида қай даражада сингиб кетганини ҳисобга олинмади. Шу сабабли асосий марказ шаҳарларда (Истанбул, Анқара, Измир) замонавий таълим ва тарбия

<sup>1</sup> Mustafa Kemal Atatürk. Atatürk'ün söylev ve demeçleri. Ankara: Türk Tarih Kurumu Basımevi, 1961.

<sup>2</sup> Mango Andrew. Ataturk. – London., 2000. P. 539.

<sup>3</sup> Ozelli M.T. The Evolution of the Formal Educational System and Its Relation to Economic Growth Policies in the First Turkish Republic // International Journal of Middle East Studies, Jan., 1974, Vol. 5, No. 1 (Jan., 1974), pp. 77-92

тизими ривожланган вақтда, қишлоқ ва шаҳардан ташқари ҳудудларда инсонларнинг кундалик ҳаётида исломнинг ўрни юқорилигича сақланиб қолаверди.<sup>4</sup> Натижада ислоҳотлар фақатгина марказий шаҳарларда яхши натижа бериб, чекка ҳудудларда аҳвол ўзгаришсиз қолаверди.

ХХ асрнинг 20-30 йилларида Эрон таълим тизимида ҳам турли ўзгаришлар юз берди. Ҳудди Туркия сингари Эронда ҳам диний таълимни чеклаш ҳамда дунёвий таълимни кенгайтиришга ҳаракат бошланди. Давлат барча мактаблар устидан бошқарувни ўз қўлига олди.<sup>5</sup> Ризошоҳ (1925-1941) бошчилигига Эрон давлати бирлаштирилди, замонавий технологиялар ва саноат тезроқ ривожлана бошлади ҳамда дунёвий жамият қуриш учун дастлабки қадамлар қўйилди. 1927 йилда Таълим вазирлиги бюджети икки баробарга оширилди. Таълим учун сарфланадиган маблағлар 1926 йилда 10,4 млн реалдан 1941 йилда 195 млн реалгача ошириб борилди. Мухаммад Ризошоҳнинг эсдаликларида ёзишича: “Ризошоҳ Эрон таълим тизими учун янги муассасалар очиш, ўқитувчиларни четга малака оширгани жўнатишдан кўра қўпроқ фойдали ишлар қилган. У таълим тизимини руҳи ва фалсафасини ўзгартирган. Унинг фикрига кўра, таълим тизими аввало инсонда ватанпарварлик руҳини шакллантириши лозимдир”<sup>6</sup>.

1930 йилларда Эронда марказлашган бепул ва замонавий мактаб тизими яратилди, Техрон университети барпо этилди, аёллар таълими ҳам тарғиб қилинди. Қуйидаги жадвалда бу икки давлатда амалга оширилган таълим соҳасидаги ўзгаришларни қиёслаб кўриш мумкин.

#### №1 Жадвал.

XX асрнинг 20-30 йилларида Туркия ва Эрон таълим тизимлари таҳлили		
Ислоҳот тури	Туркия	Эрон
Таълим тизимида ислоҳотлар бошланиши	1922 йил	1925 йил
Ислоҳотнинг асосчилари	Мустафо Камол Отатурк	Ризошоҳ Пахлавий
Алифбо ўзгариши	1928 йил	ўзгармаган
Янги таълим қонунининг қабул қилиниши	3 март 1924 йил	март 1922 йил
Бепул мактаб таълимининг жорий	1925-1927 йиллар	1930 йиллар

<sup>4</sup> Poulton Hugh. The Top Hat, the Grey Wolf, and the Crescent: Turkish Nationalism and the Turkish Republic.– New York: University Press, 1997. 350 P.

<sup>5</sup> Education and the general survey of Modern Education. [Электронный ресурс]

<http://www.iranicaonline.org/articles/education-vii-general-survey-of-modern-education> (дата обращения 16.12.2016).

<sup>6</sup> Mohammed Reza Shah Pahlavi. Mission for My Country. – London: Hutchinson & Co. Ltd., 1960. – p. 47.

этилиши		
Аёллар таълимини тарғиб қилиниши	1926 йилдан бошлаб	1930 йилдан
Диний таълимга муносабат	Диний таълимни бутунлай ажратиш	Диний таълимни чеклаш
Таълим ислоҳотидан мақсад	Замонавий турк давлатини ва халқини шакллантириш	Замонавий, ватанпарвар ёшларни тарбиялаш

**XX асрнинг 60-80 йиллардаги таълим ислоҳотлари.** Туркияning Иккинчи жаҳон урушидан кейинги аҳволи тубдан ўзгарди. Мамлакат гўёки икки ўт орасида қолди. Яъни, бир томондан БМТ ташкилотига қабул қилиниши вазифаси турса, иккинчи томонда 98% аҳолиси ислом динида бўлган Туркия халқини ғарб демократиясига мослаштириш вазифаси туради. Мамлакатда демократик кучлар шакллана бошлади. Улар эса дин вакиллари томонидан қўллаб-қувватланар эди. Натижада 1946-1947 йилдан бошлаб таълим тизимиға исломий фанларни қайтариш фикри қўллаб-қувватлана бошлади. Натижада ислом динига қайтиш, муқаддас зиёратгоҳлар ва Макка шаҳрига ҳаж сафариға бориши сони кескин ошди<sup>7</sup>. 1949 йилдан бошлаб лотин тилида дарс бериш тўхтатилди. 1950 йил Демократик партия ғалабасидан сўнг бошланғич мактабларга диний фанлар тўлалигича қайтарилди<sup>8</sup>. 1956-1957 йилларда диний таълим ва одоб бўйича дарслар ўрта мактабларда ҳам қайта тикланди. 1966-1967 йилларда лицей ўкув дарслари қаторига диний фанлар кўшилди. 1959 йилдан бошлаб Олий ислом институтлари фаолияти тикланди. Ислом дини тарафдорлари Отатурк ислоҳотларидан аввалги таъсирни қайтаришга ҳаракат қиласарди.

Бу барча ҳодисалар мамлакатдаги сиёсий инқироз билан биргаликда таълим сифатини тушиб кетишига сабаб бўлди. Аҳоли сонининг кескин ўсиши ҳисобига йилдан йилга мактаблар гавжумлаша бошлади. Уларда икки, уч сменада ўқишиш ташкил қилинди. Қишлоқдаги ночор шароит, дарс соатлари ва ўқитувчилар сони камайиши таълим сифатининг кескин пасайишига олиб келди. Ҳукумат ҳам, шаҳар ҳокимияти ҳам бу каби муаммоларга дош беролмади. Саноат лойиҳалари вазиятни сақлаб қолмади, уларни амалга ошириш учун одатда ривожланган шаҳарлар танланди. Чекка ҳудудлар эса эътиборсиз қолдирилди.

<sup>7</sup> Lewis Bernard. Islamic Revival in Turkey // International Affairs. – 1952. № 1. Vol. 28. P. 38–48.

<sup>8</sup> Ozelli M.T. The Evolution of the Formal Educational System and Its Relation to Economic Growth Policies in the First Turkish Republic // International Journal of Middle East Studies, Jan., 1974, Vol. 5, No. 1 (Jan., 1974), pp. 77-92

ХХ асрнинг 70 йилларида хукумат тепасига Н. Эрбаканинг келиши “исломий қараш”ларни янада кучайтириди. Эрбакан томонидан эълон қилинган исломий фикрларга қарамай, уларнинг аксарият қисми иқтисод, таълим тизими, соғлиқни сақлаш ва бошқа соҳаларни ривожлантиришга қаратилган эди.

Бу даврда Эрон давлатида ҳам бир қанча сиёсий ва ижтимоий ўзгаришлар юз берди. Уларнинг асосийси 1962 йилда Мухаммад Ризошоҳ Пахлавий томонидан бошланган “Оқ инқилоб” эди. Шоҳ бу даврда Ироқ ва Туркияда бўлиб ўтган давлат тўнтаришларини диққат билан қузатар ва ўзига керакли хулоса чиқаради. Туркия икки томонлама ўйин қилгани, ҳам демократик ҳам исломий давлат бўлишга интилгани нима оқибатга олиб келганини қузатган Мухаммад Ризошоҳ Эрондаги унга қарши барча кучларни йўқ қилишга ҳаракат қилди. Мамлакатда таълим соҳасида ҳам кўплаб ислоҳотлар амалга оширилиди.

Эрон модернизациясининг сўзсиз ютуғи “Оқ инқилоб”<sup>9</sup> доирасида олиб борилган таълим сиёсати эди. Бу аслида Эронга ўрта асрлардан янги асрга қадам қўйишга имкон берди.

Эрон маъмурлари “Оқ инқилоб” нинг дастлабки 10 йилида шаҳарларда таҳсил олиб, Эроннинг чекка ҳудудларига аҳолини саводли қилиш учун борган 70 мингдан ортиқ ёшлардан иборат бўлган “Билимлар армияси” билан жуда фахрланишиди. Америкалик етакчи эроншунослардан бири Э. Авраамян ўз мақоласида Эроннинг таълим тизимининг 1953 йилдаги (шоҳ қудратга эга бўлган пайтда) ва 1977 йилда (Ислом инқилоби арафасида) қандай бўлганлиги тўғрисида қисқача маълумот бериб ўтган. Жадвал №2.

Жадвал №2. Таълимнинг ўсиши (муассасалар ва талабалар)<sup>10</sup>

	1926/27 йиллар (Пахлавий сулоласи келиши арафасида)	1976/77 йиллар (инқилоб арафасида)
Университетлар (студентлар)	4 (14500)	16 (154 315)
Техникумлар (талабалар)	36 (2538)	800 (227 507)
Юқори мактаблар (ўқувчилар)	527 (121 772)	1741 (741 000)

<sup>9</sup> Пахлавий хукмдорларнинг турли соҳалардаги дунёвий модернизация ислоҳотлари тарихда “Оқ инқилоб” номи билан қолган

<sup>10</sup> Abrahamian E. Structural Causes of the Iranian Revolution. MERIP Reports, 1980, no. 87, pp. 21–22.

Ўрта мактаблар (ўқувчилар)	5956 (746 473)	23 476 (4 078 000)
-------------------------------	----------------	--------------------

Ушбу жадвалдан қўриниб турибдики, Эрон таълим тизимида содир бўлган ўзгаришларни ҳақиқий ютуқ деб аташ мумкин. Аммо, шоҳнинг таълим тизимига модернизация ва эътибор қаратиши сабабли сиёсий нуқтаи назардан Эронда билим олиш тизими сезиларли даражада яхшиланган бўлса ҳам, бу расмийлар учун жиддий муаммолар тугдирди: талабалар (шунингдек, университетларни битирган ёш мутахассислар) шоҳни ағдаришда фаол рол ўйнади. Талабалар ва аҳолининг маълумотли қисмининг Эронда монархияни ағдаришдаги иштироки ислом уламоларининг иштирокидан кам емас эди.

1979 йилги инқилобдан кейин энг муҳим ўзгариш таълим тизимини “исломлаштириш” эди. Болалар учун алоҳида таълим жорий этилди. 1980 йилда Таълимда “Ислом қадриятлари институтини назорат қилиш” бўйича қўмита ташкил этилди. Исломий тамойилларга асосланган ўқув материаллари инқилобдан кейин олти ой ичида бошланғич мактабга киритилди<sup>11</sup>. Исломлаштириш бошланганидан бери ҳукумат Ғарбдан маданий ва маънавий мустақиллик истаги ҳамда Ғарб билан рақобатда замонавий миллат сифатида муваффақият қозониш истаги ўртасида мувозанатни саклашга уринди.

Туркия ва Эроннинг XX аср 60-70 йилларида таълим жараёнини солиштириш асосида ушбу натижалар аниқланди. Жадвал №3.

### №3 Жадвал.

XX асрнинг 60-70 йилларида Туркия ва Эрон таълим тизимлари таҳлили		
Ислоҳот тури	Туркия	Эрон
Таълим тизимида янги ислоҳотлар бошланиши	1945 йил	1962 йил
Ислоҳотнинг асосчилари	Демократик партия вакиллари	Мухаммад Ризошоҳ Пахлавий
Диний таълимни тикланиши	1946-1947 йиллар	1979 йилдан сўнг
Таълим тизими ислоҳотидан мақсад	Ҳам диний ҳам дунёвий таълимни бирдек ушлаш	1962-1979 – мамлакатни модернизация қилиш; 1979- эски анъаналарни тиклаш

<sup>11</sup> Reforms in Iran in the field of education, healthcare <http://biofile.ru/his/33157.html> (accessed: 06.04.2020)

Диний таълимга муносабат	Диний таълимни қайта жорий қилиш	1962-1979 – дунёвий таълимни кўпайтириш; 1979 – диний таълимни кучайтириш
Таълим ислоҳоти натижалари	Таълим сифатининг тушиб кетиши, замонавий таълим фақатгина катта шаҳарларда ўрнашиб қолиши	1962-1979 – юз минглаб замонавий, илғор кадрлар шаклланиши; 1979 – дунёвий билимлар пастлаши

**Хуносаси.** Юқоридаги жадвал кўришимиз мумкинки, XX асрда биринчи ярми ва иккинчи ярмида Туркия ва Эронда амалга оширилган таълим ислоҳотлари ўз мақсади, усуслари, натижаларига кўра турлича ривожланиш йўналишларини белгилаб берди.

Туркия Эрондан бирмунча эртароқ ислоҳотларни бошлади ва бу йўлда жуда кўплаб ўзгаришларни амалга оширди. Мустафо Камолнинг инқилобий ислоҳотлари замонавий Туркия давлати ва тукр халқини шаклланишига катта туртки берди. Туркияга европача таълим тизими ва маданияти кириб келди. Кўплаб билим соҳалари ривожланди. Шу билан бирга, мамлакатда сиёсатга қарши диний мухолифат кучлари шаклланиб борди. Натижада Иккинчи жаҳон урушидан сўнг таълим соҳасида амалга оширилган кўплаб ислоҳотлар инкор этилди ва эски тизимга қайтиш бошланиб кетди. Мамлакат сиёсий кучлари икки оқимга бўлинди. Улар орасидаги ҳокимият учун кураш кўплаб давлат тўнтаришларига, унинг оқибатида ижтимоий ҳаётнинг, таълим ва соғлиқни сақлаш тизимининг ортга кетишига сабаб бўлди. 80 йиллардан бошланган ислоҳотлар бу жараёнларни тўхтатишга қаратилди, аммо ўртада бир неча ўн йиллик вақт бой берилди.

Ўз навбатида Эронда ҳам қарама-қарши ислоҳотлар, мамлакатни аҳолисини ҳар томонлама давлат сиёсатига мослаштиришга ҳаракат таълим тизими ва унинг даражасига сезиларли таъсир кўрсатди. Аҳоли орасида саводхонлик даражаси ўсишда давом этгани билан, бу саводхонлик фақатгина ўрта даражада чекланиб, юқори малакали кадрлар тайёрлаш сустгича қолаверди. Кейинги йиллардаги ислоҳотлар бу вазиятни ўнглашга қаратилган бўлсада, минтақада илмий соҳада етакчилик қилиш учун бу ҳали етарли эмаслиги аниқ бўлиб қолди.

## ФОЙДАЛАНИЛГАН АДАБИЁТЛАР РЎЙХАТИ

1. Abrahamian E. Structural Causes of the Iranian Revolution. – MERIP Reports, 1980, no. 87.
2. Cooper A.S. The Fall of Heaven: The Pahlavis and the Final Days of Imperial Iran. – USA: Picador, 2016.
3. Education and the general survey of Modern Education. [Электрон ресурс] <http://www.iranicaonline.org/articles/education-vii-general-survey-of-modern-education> (Фойдаланилган сана: 20.06.2020).
4. Lewis Bernard. Islamic Revival in Turkey // International Affairs. – 1952. № 1. Vol. 28.
5. Mango Andrew. Ataturk. – London., 2000.
6. Mohammed Reza Shah Pahlavi. Mission for My Country. – London: Hutchinson & Co. Ltd., 1960.
7. Mustafa Kemal Atatürk. Atatürk'ün söylev ve demeçleri. – Ankara: Türk Tarih Kurumu Basımevi, 1961.
8. Ozelli M.T. The Evolution of the Formal Educational System and Its Relation to Economic Growth Policies in the First Turkish Republic // International Journal of Middle East Studies, Jan., 1974, Vol. 5, No. 1.
9. Poulton Hugh. The Top Hat, the Grey Wolf, and the Crescent: Turkish Nationalism and the Turkish Republic. – New York: University Press, 1997.
10. Reforms in Iran in the field of education, healthcare <http://biofile.ru/his/33157.html> (Фойдаланилган сана: 22.06.2020)